



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

Fax : 869-6639

E-mail: [pr.polis@polis.cw](mailto:pr.polis@polis.cw)

Wèpsait: [www.polis.cw](http://www.polis.cw)

Adrès: Winston Churchillweg z/n • Willemstad • Curaçao

## KOMUNIKADO DI PRENSA

19 mart 2017

086 / 2017

### Tiramentu ku kuater (4) morto

Djasabra 18 di mart 2017 alrededor di 20.35'or, Sentral di Polis a dirigí un unidat na altura di un snèk na Berg Altena pa un kaso di tiramentu ku 4 herido.

Na e sitio polis a bin topa ku kuater (4) hòmbler drumi abou den situashon di hopi preokupashon tur ku herida di bala na diferente parti di nan kurpa. Tres (3) di e víktimanan tabata den situashon di hopi preokupashon miéntras e di kuater víktima no tabata duna señal di bida.

For di investigashon preliminar ku polis a realisá na e sitio a sali na kla ku probablemente dos (2) hòmbler a kore yega for di den un hanchi na Berg Altena na parti Oost di e snèk i a lòs un kantidat di bala riba algun persona ku tabata pará na altura di e snèk ku e resultado ariba menshoná.

Ambulans a yega na e sitio i a transportá e 3 víktimanan ku urgensia pa Poli.

Mas lat den anochi polis a risibí notisia ku alrededor di 22.10'or tur tres (3) víktima a fayesé na Poliklinik di SEHOS komo konsekuensia di e heridanan di bala ku nan a risibí.

1. Dòkter di Polis a yega na e sitio i alrededor di 22.05 'or a konstatá morto di e víktima e hòmbler **Elery Zedelkia Harvey Aeneas Jair Cijntje nasé na Kòrsou 39 aña di edat** ku a fayesé na e sitio mes.

Na e sitio polis a konfiská un outo, un motosaikel i otro artíkulo ku ta di importansia pa e investigashon.

Identidat di e tres víktimanan ku a muri na Poli ta;

2. **Harold Antonio Francisca nasé na Kòrsou 48 aña di edat**
3. **Purcival Delano Brooks nasé na Kòrsou 54 aña di edat**
4. **Reegi Riedsel Arcangeles Angelista nasé na Kòrsou 32 aña di edat**

Riba òrdu di Fiskal di Ministerio Públiko a konfiská tur kuater kurpa sin bida pa mas investigashon.

E motibu(nan) tras di e asesinatonan aki ta den investigashon i na e momentunan aki no ta disponibel ainda.

Awe for di den oranan trempan e diferente disiplinanan a bini huntu i a determiná táktika i strategia pa atendé ku e kaso aki.

**Polis ta supliká tur persona ku por tin informashon tokante di e kaso aki, pa tuma kontakto ku polis na 917 òf e liña anónimo 108.**

***Nota pa redakshon – no pa publikashon***

***Pa mas informashon bo por tuma kontakto ku Departamentu di Komunikashon i Prevencion na e numbertan di telefòn ariba mensioná.***

***Orario:*** djaluna pa djabièrnè di 8.00 – 22.00 or’;  
djasabra di 9.00 – 13.00 or’;  
djadumingu di 18.00 – 22.00 or’.

***Por yama durante di dia pa hasi entrevista i despues di 22.00 or’ por tuma kontakto (ku Bosero i Hefe di Departamentu di Komunikashon i Prevencion) na number di telefòn 510-2715.***